

«Mussar igl diever modern digl rumantsch»

DA BARTOLOME TSCHARNER / FMR

■ La Televisiun Rumantscha preschainta igl ple nov film documentar da Menga Huonder-Jenny igls dus da favrer. Nus vagn lieu saver da l'atura da «Tranter bun e nausch», oriunda d'Andeer, tge fatgs c'ella dascrivi a tge ca vegi motivo ella da realisar gest que film.

Tge tematisaz Vos agl Voss ple nov film documentar?

Menga Huonder-Jenny: Que film dat anvesta an la scolaziun a lavur da la polizeia d'oziggi. Me interessesch dan tant betga mé c'igl vigni musso novas metodos an la scolaziun da polizeia. Jou less surtut ear mussar igl svilup da la polizeia davent da ple böld, cur c'ella veva surtut d'arestar ladramainta, antoc'oz c'igls anganaders sasearvan savens da mieds electronics. A que svilup à la polizeia da reagir. Cunquagl c'igl dat tants spezialists rumantschs tier la polizeia cantunala mi e'gl ear impurtant da mussar c'igl rumantsch sco lungatg vigl searvir ear par exprimer la veta moderna.

Co e'l alura d'interpretar igl tetel «Tranter bun e nausch»?

«Tranter bun e nausch» reflectescha tant la lavur sco ear igl renum da la polizeia. Que mastregn cuntegna dus cuntraris: D'egna vart cumbata la polizeia demonstrants, cumbata surpassamaints, mo da l'otra vart à ella da schurmgear la populaziun. Quegl en las sias rolas cuntradictorias: Ella sapeschainta



Menga Huonder-Jenny preschainta igl sieus proxim film documentar. FOTO B. TSCHARNER

mintgatant da maniera massiva, à la rola «noscha»; mo ella sto ear proteger ad e la forza positiva. Quegl exprima igl tetel. Sch'ign davainta polizist/a stoni saver c'i en betg adigna stimos. Igl ple sa-

vens en ign lead d'aver da far nut cun ella. Ign tema ella, mo cur c'ign drova ella en ign lead c'igl deti ella. Quella discrepanza à liac «tranter bun e nausch».

Co eassas Vos vagnida a l'ideia da realisar gest egn film davart la polizeia?

Antras Beat Huonder. El e da 37 ons annà polizist. Igl e el c'è mess a strada la partiziun da cybercrime tier la polizeia cantunala. El magna oz quella partiziun. Sco polizist giuven an Val d'Alvra à'l fatg curs d'infurmatca sen agens custs, partge alura eara la polizeia betga parschuidada ca quella savida vigni anzacuras duvrada par investigar. Mo igl à betga cuzo gitg c'i àn clamò el a Cuirra par schliar dumondas davart la digitalisaziun. Igl seas survetschs en dalunga vagnieus dabien a la polizeia.

Ansuma, nus eassan vagnieus an contact cun Beat Huonder parquagl c'el fa retsheartgas partutgant la genealogia da la famiglia. Ascheia ve jou ampriu d'ancanuscher el a la partiziun da cybercrime. Jou eara tut surstada c'igl deti quegl agl Grischùn. Quegl mi à antschiet ad interessar. Dalunga ve jou gieu l'ideia da far egn film surlunder, cumbagn ca ve ànc mena gieu da far anzatge cun la polizeia. Jou ve dantant s'antgiert ca bleara gliud à ear poc'ideia da la lavur da la polizeia, a surtut co quella à samido cuagl tains. Tier me e'gl adigna ascheia, scha sadezid par egn tema, e'gl parquagl c'jou s'interessesch ear meza fetg par quel. Jou part adigna da las mias atgnas marveglias. Jou ve cato adavur blears fatgs c'ancunascheva betg avànt, c'en forza ear novs par blearas aspectaturas a blears aspectatur. Mo igl sattracta betga d'ambalir igl renum da la polizeia.

Qualas en stadas las difficultads near las sfidas particularas da far que film?

Igl e ieu gitg antoc'jou ve stgieu realisar igl mieus project. Ign sto dumandar divers posts par survagnir la lubientscha. C'igl e la finala tutegna sto pussevel e d'angrztgear a la manadra da la comunicaziun, Anita Senti. Ella à s'angascho an favur digl project parquagl c'ella e da l'ideia ca la polizeia vegi da sapeschantar da maniera aviarta par augmantar la capientscha da la gliud par la sia letzga. Huonder rapreschainta ear quella lingua.

Vez Vos alura ear dastgieu filmar sainza restricziuns?

A l'antscheata veva la polizeia resalvas. Mo egn'eada ca veva survagnieu la lubientscha ve jou ear gieu la confidanza da la polizeia a ve stgieu filmar tge ca ve lieu, natiralmeing cun exzeptziun digls investigaturs zupos. Tals ca levan betga vagnir mussos en vegnieus spixlos. Schiglioc ve jou betga gieu restricziuns. Nus vagn stgieu samover dapartut librameing a filmar tge ca nus levan. Ear tier las giuvnas aspirantas a giuvenas aspirants da la Scola da polizeia da la Svizra orientala e'gl sto ascheia. Cun pocas exzeptziuns eni stos avierts da cunlvrar, an amprema lingia la Rumantscha Selina Fanzun da Scuol, igls Rumantschs Flavian Bearth da Cumpadials a Daniel Rühl da Samedan.

Igl film vean musso la dumeingia digls 2 da favrer a las 17.25 sen SRF 1

reclama

«yuli» sveglia igl interess

■ (fmr/bt) La fegn d'eanda e'gl sto bagnanqual spusa a spus futur c'en sarandieus a Cuirra par visitar la mostra d'artetgels da nozas. Tranter la curantegna d'expositurs an la hala digl martgieu e ear stada da cuntemplar la moda cun la marca yuli. Strusch aint da porta c'igls visitaders da quell'exposiziun en rivos tigl stan da la giuvna dessigneadra da moda Anna Laura Klucker da Tamegn. D'egn on annà dessegna, taglia a cusa ella seza taglia par spusas. Quella fa ella amogna sut la sia atgna marca yuli. Quella stat bun par vastgadira da nozas fatga a man. Plenavant dastgan las claintas d'Anna Laura cundezider furma a tagl da lur vastgieus. Egn'otra da las sias spezialitads e c'ella decorescha la sia moda cun ornamaints, inspiros digl tradiuzional petg an crusch grischùn. Igl avantatg digls vastgieus da yuli e ear c'els cunsistan da pliras parts. Ascheia pon els

adigna puspe vagnir cumbinos danov a purtos par mintga ocasiun festiva. Que tagl particular dat a la sia vastgadira egn pareta frestga an cumparegliaziun cun otra taglia da nozas mussada sen la passarella an la hala digl martgieu. Là e'gl sto tres matas c'àn preschanto pliras geadas igl gi vastgieus d'Anna Laura.

Quellas mostras àn svaglieu l'atenziun ad igl interess da numeruss aspectatur ad aspectaturas. Ella à ear musso ca la sia moda e cumpetitiva a tgata bun'acoglientscha. An tut e'gl sto egnà anz pintga exposiziun. «Ascheia e ella stada persunala. Ign e propi vagnieu an contact cun la gliud a veva peada par las visitaders», gi Anna Laura.

Ella à uon fatg part par l'amprem'eada da quell'ocurenza c'è tutaveia daraso egn'amparvevla atmosfera ad à cunfirmo la buna lavur da la giuvna dessigneadra da Tamegn.



Igl vastgieu da nozas «ELIN» dessigneau a taglieau dad Anna Laura Klucker, preschainta sen la passarella da sia sora Carmen Klucker.

SPAR

Wow!

Da staunt die Schweiz: unsere Top Deals der Woche.

Gültig von Di, 28.1. bis Sa, 1.2.2020

2.10
statt 4.20
50%

Schweinsnierstück
ca. 800 g, Schweizer Fleisch
100 g = 2.10

1.25
statt 1.60
21%

SPAR Milchdrink / Vollmilch
pasteurisiert, Tetra Top
1 Liter

9.95
statt 16.95
41%

Rioja Añares Reserva
Bodegas Olarra
7.5 dl

Spanien, Rioja
Tempranillo, Garnacha, Graciano, Mazuelo

8.90
statt 12.40
28%

Feldschlösschen
Original Lager
10 x 3.3 dl

24.95
statt 48.90
48%

Amarone della Valpolicella
Ca' Rugate
7.5 dl

Italien, Veneto
Corivina, Corvinone, Rondinella

15.95
statt 22.-
27%

Aigle les Murailles Badoux
Blanc / Rouge / Brut
7 dl / 7.5 dl

Schweiz, Waadtland
Weiss: Chasselas
Rot: Pinot Noir
Brut: Chardonnay

3.95
statt 6.15
35%

Evian ohne Kohlensäure
6 x 1.5 Liter

Frankreich

4.70
statt 5.85
19%

Zweifel Chips
Nature / Paprika, 280 g

Auf gute Nachbarschaft.

SPAR

Solange Vorrat. Abgabe nur in Haushaltsmengen. Alle Preise in Schweizer Franken. Satz- und Druckfehler vorbehalten. SPAR verkauft keinen Alkohol an Jugendliche unter 18 Jahren.